



**PRAVILNIK**  
**O MINIMALNIM USLOVIMA U POSTUPKU IZBORA**  
**U NASTAVNA I SARADNIČKA ZVANJA**  
**NA UNIVERZITETU "DŽEMAL BIJEDIĆ"**  
**U MOSTARU**

**- prečišćeni tekst -**

Mostar, decembar 2012. godine

Prečišćeni tekst obuhvata Pravilnik o minimalnim uslovima u postupku izbora u nastavna i saradnička zvanja na Univerzitetu "Džemal Bijedić" u Mostaru broj: 100-1-1134/09, usvojen dana 8.10.2009. godine, te Odluku Senata Univerziteta o izmjenama i dopunama navedenog pravilnika broj 101-1-1226/12 od 7.12.2012. godine, tako da isti glasi:

#### **Član 1.**

Ovim Pravilnikom uređuju se minimalni uslovi za izbor u nastavna i saradnička zvanja na Univerzitetu "Džemal Bijedić" u Mostaru.

#### **Član 2.**

(1) Nastavnici se biraju u zvanje: docenta, vanrednog profesora i redovnog profesora.

(2) Saradnici se biraju u zvanje: asistenta, višeg asistenta i lektora.

#### **Član 3.**

(1) Minimalni uslovi za izbor nastavnika u zvanje docenta su:

- završen stepen trećeg ciklusa/doktorat nauka iz odgovarajuće naučne oblasti;
- najmanje 3 (tri) naučna rada objavljena u priznatim publikacijama<sup>1</sup>, iz odgovarajuće oblasti;
- pokazane nastavničke sposobnosti; te
- da ima pozitivno ocijenjeno nastupno predavanje pred nastavnicima i studentima, iz naučne oblasti /nastavnog predmeta za koju/i se bira, od strane stručne komisije za pripremanje prijedloga za izbor u zvanje.

(2) Pod pokazanim nastavničkim sposobnostima podrazumijeva se ispunjenje dva od sljedećih uslova:

- da je učestvovao u izvođenju nastave na prvom ciklusu studiju najmanje jednu školsku godinu;
- da je radio na najmanje jednom naučno-istraživačkom projektu;
- da je prezentirao najmanje jedan rad na naučnom skupu;
- da se naučno usavršavao u inostranstvu u trajanju od najmanje jednog mjeseca.

#### **Član 4.**

Minimalni uslovi za izbor nastavnika u zvanje vanrednog profesora su:

- završen stepen trećeg ciklusa/doktorat nauka iz odgovarajuće naučne oblasti;
- proveden najmanje 1 (jedan) izborni period u zvanju docenta iz odgovarajuće naučne oblasti;
- objavljena knjiga i najmanje 5 (pet) naučnih radova objavljenih u priznatim publikacijama<sup>2</sup>, iz odgovarajuće naučne oblasti, sve nakon izbora u zvanje docenta, te
- uspješno mentorstvo kandidatu za stepen drugog ciklusa, računajući od dana prihvatanja Izvještaja o pozitivnoj ocjeni diplomskog rada.

#### **Član 5.**

(1) Minimalni uslovi za izbor nastavnika u zvanje redovnog profesora su:

- završen stepen trećeg ciklusa/doktorat nauka iz odgovarajuće naučne oblasti;
- proveden najmanje 1 (jedan) izborni period u zvanju vanrednog profesora iz odgovarajuće naučne oblasti;

---

<sup>1</sup> Senat će nakandno ustanoviti Registar domaćih i međunarodnih časopisa i zbornika radova sa naučnih skupova koji će se smatrati referentnim za bodovanje nastavnika i saradnika u postupku izbora u odgovarajuće zvanje

<sup>2</sup> Senat će naknadno ustanoviti Registar domaćih i međunarodnih časopisa i zbornika radova sa naučnih skupova koji će se smatrati referentnim za bodovanje nastavnika i saradnika u postupku izbora u odgovarajuće zvanje

- najmanje 2 (dvije) objavljene knjige i najmanje 8 (osam) naučnih radova objavljenih u priznatim publikacijama<sup>3</sup>, iz odgovarajuće naučne oblasti, sve nakon izbora u zvanje vanrednog profesora, te
- uspješno mentorstvo kandidatu za stepen drugog i trećeg ciklusa, računajući od dana prihvatanja Izvještaja o pozitivnoj ocjeni diplomskog rada i doktorske disertacije.

#### Član 6.

- (1) Minimalni uslovi za izbor nastavnika u zvanje docenta na stručno-umjetničkim predmetima su:
  - završen stepen najmanje drugog ciklusa studija;
  - najmanje 3 (tri) javno predstavljena oblika umjetničkog stvaralaštva iz odgovarajuće oblasti i;
  - pokazani rezultati u nastavnom radu.
- (2) Pod pokazanim rezultatima u nastavnom radu podrazumjeva se ispunjenje jednog od sljedećih uslova:
  - izrada ili značajno učestvovanje u izradi nastavnog teksta (udžbenika ili skripte) koji se kao obavezni nastavni tekst upotrebljava u dodiplomskoj ili diplomskoj nastavi;
  - učešće u organiziranju work shopova, projekata za studente;
  - učešće u organiziranju kulturnih manifestacija u sklopu Univerziteta.

#### Član 7.

- (1) Minimalni uslovi za izbor nastavnika u zvanje vanrednog profesora na stručno-umjetničkim predmetima su:
  - završen stepen najmanje drugog ciklusa;
  - proveden najmanje 1 (jedan) izborni period u zvanju docenta iz odgovarajuće oblasti;
  - najmanje 5 (pet) javno predstavljenih oblika umjetničkog stvaralaštva iz odgovarajuće oblasti;
  - priznanja za uspješno djelovanje u odgovarajućoj oblasti umjetnosti i
  - pokazani rezultati u nastavnom radu.
- (2) Pod priznanjima za uspješno djelovanje u odgovarajućoj oblasti umjetnosti podrazumjeva se ispunjenje dva od sljedećih uslova:
  - predstavljanje svog stvaralačkog rada u stručnim časopisima, katalogima i monografijama;
  - tekstovi, predgovori, kritike od relevantnih historičara umjetnosti, umjetničkih kritičara u stručnim katalogima, časopisima, monografijama itd;
  - priznanje za učešće na nacionalnim i međunarodnim umjetničkim manifestacijama i simpozijumima;
  - nagrade stručnih žirija na nacionalnim ili međunarodnim umjetničkim manifestacijama.
- (3) Pod pokazanim rezultatima u nastavnom radu podrazumjeva se ispunjenje dva od sljedećih uslova:
  - izrada ili značajno učestvovanje u izradi nastavnog teksta (udžbenika ili skripte) koji se kao obavezni nastavni tekst upotrebljava u dodiplomskoj ili diplomskoj nastavi;
  - učešće u organiziranju work shopova, projekata za studente;
  - učešće u organiziranju kulturnih manifestacija u sklopu Univerziteta;
  - da je bio predavač na drugom ciklusu studija.

---

<sup>3</sup> Senat će nakandno ustanoviti Registar domaćih i međunarodnih časopisa i zbornika radova sa naučnih skupova koji će se smatrati referentnim za bodovanje nastavnika i saradnika u postupku izbora u odgovarajuće zvanje

### Član 8.

- (1) Minimalni uslovi za izbor nastavnika u zvanje redovnog profesora na stručno-umjetničkim predmetima su:
- završen stepen najmanje drugog ciklusa;
  - proveden najmanje 1 (jedan) izborni period u zvanju vanrednog profesora iz odgovarajuće oblasti;
  - najmanje 8 (osam) javno predstavljenih oblika umjetničkog stvaralaštva iz odgovarajuće oblasti, koji su značajno doprinjeli razvoju kulture i umjetnosti;
  - doprinos u podizanju novog nastavnog i umjetničkog kadra.
- (2) Pod doprinosom u stvaranju nastavnog i umjetničkog kadra podrazumjeva se uspješno mentorstvo kandidatu za stepen drugog ili trećeg ciklusa studija, računajući od dana prihvatanja Izvještaja o pozitivnoj ocjeni diplomskog rada ili doktorske disertacije.

### Član 9.

Uslovi utvrđeni članovima 6; 7. i 8. ovog Pravilnika za izbor nastavnika u umjetničko-nastavna zvanja na stručno umjetničkim predmetima primjenjuju se na izbor nastavnika u umjetničko-nastavna zvanja na nastavnim predmetima za koje je umjetnički kriterij od naročitog značaja, a u oblastima:

- likovne umjetnosti,
- muzičke umjetnosti i
- dramske umjetnosti.

### Član 10.

Saradnici se biraju u zvanje asistenta, višeg asistenta i lektora.

### Član 11.

Uslovi za izbor saradnika u zvanje asistenta su:

- završen odgovarajući univerzitetski studij sa najmanje 240 ECTS bodova;
- ostvarena najniža prosječna ocjena u toku studija 8 (osam) ili 3,5 (triipo).

### Član 12.

- (1) Uslov za izbor saradnika u zvanje višeg asistenta je:
- završen stepen drugog ciklusa studija (magisterij) iz odgovarajuće naučne oblasti.
- (2) Uslovi za izbor u zvanje višeg asistenta na stručno -umjetničkim predmetima su :
- završen stepen drugog ciklusa studija i
  - najmanje 1 (jedan) javno predstavljeni oblik umjetničkog stvaralaštva iz odgovarajuće oblasti.

### Član 13.

- (1) Uslov za izbor saradnika u zvanje lektora je:
- završen stepen drugog ciklusa studija (magisterij) iz odgovarajuće naučne oblasti.
- (2) Izbor u zvanje lektora se može vršiti za užu naučnu oblast ili nastavni predmet strani jezik koji se na Univerzitetu studira kao obavezni nastavni predmet.

### Član 14.

- (1) Za izbore u sva akademska zvanja obavezan uslov je poznavanje jednog stranog jezika, što se verifikuje kada se asistenti, viši asistenti i nastavnici prvi put biraju na Univerzitetu.

- (2) Kao dokaz o poznavanju stranog jezika priznaje se uvjerenje Centra za jezike Univerziteta, certifikat verifikovane škole stranih jezika, uvjerenje o položenom stranom jeziku na visokoškolskoj ustanovi.
- (3) Kandidati koji su se školovali u inostranstvu i stekli inostranu diplomu, osim u zemljama bivše Jugoslavije, prilikom izbora u akademsko zvanje, ne dostavljaju dokaz o poznavanju stranog jezika.

#### **Član 15.**

- (1) Prilikom izbora u isto ili više zvanje uzimaju se u obzir samo objavljeni radovi, knjige, projekti, te mentorstva, odnosno javno predstavljeni oblici umjetničkog stvaralaštva u vremenu od posljednjeg izbora.
- (2) Period na koji se bira akademsko osoblje na univerzitetu je:
  - asistent – na period od 4 (četiri) godine , bez mogućnosti reizbora;
  - viši asistent – na period od 5 (pet) godina , s mogućnošću ponovnog izbora isključivo ako postigne stepen trećeg ciklusa;
  - lektor – na period od 5 (pet) godina, bez mogućnosti reizbora;
  - docent – na period od 5 (pet) godina, s mogućnošću ponovnog izbora;
  - vanredni profesor – na period od 6 (šest) godina, s mogućnošću ponovnog izbora;
  - redovni profesor – trajno.

#### **Član 16.**

Nastavnik Univerziteta koji je ponovo izabran u isto naučno/umjetničko-nastavno zvanje (reizbor), a koji naknadno ispuni uslove za izbor u više zvanje, može pokrenuti postupak za izbor i biti izabran u više zvanje i prije isteka roka na koji je reizabran, pri čemu se uzimaju u obzir i ispunjeni uslovi od posljednjeg izbora.

#### **Član 17.**

Postupak izbora akademskog osoblja u isto ili više zvanje, pokreće se tri (3) mjeseca prije isteka izbornog perioda.

#### **Član 18.**

Izmjene i dopune ovog Pravilnika vrše se po proceduri koja je istovjetna kao i za njegovo donošenje.

#### **Član 19.**

Prečišćeni tekst ovog Pravilnika objavit će se na oglasnoj ploči i Web stranici Univerziteta i članica.

**Predsjedavajući Senata  
Univerziteta "Džemal Bijedić" u Mostaru**

**Broj: 101-1-1244/12**

prof. dr. Sead Pašić, rektor



Broj: 101-2237/18  
Mostar, 27.9.2018. godine

Na osnovu člana 72. Statuta Univerziteta „Džemal Bijedić“ u Mostaru, Senat Univerziteta, na 81. sjednici održanoj 27.9.2018. godine, donio je:

### ODLUKU

o izmjeni i dopuni člana 12 Pravilnika o minimalnim uslovima u postupku izbora u nastavna i saradnička zvanja na Univerzitetu „Džemal Bijedić“ u Mostaru

#### I

**Član 12** Pravilnika o minimalnim uslovima u postupku izbora u nastavna i saradnička zvanja na Univerzitetu „Džemal Bijedić“ u Mostaru **mijenja se i glasi:**

(1) Uslovi za izbor saradnika u zvanje **višeg asistenta** su:

- završen stepen drugog ciklusa studija (magisterij) iz odgovarajuće naučne oblasti
- ostvarena najniža prosječna ocjena u toku studija na prvom ciklusu 8 (osam) ili 3,5 (triipo) i
- ostvarena najniža prosječna ocjena u toku studija na drugom ciklusu 8 (osam) ili 3,5 (triipo)

(2) Uslovi za izbor saradnika u zvanje **višeg asistenta na stručno-umjetničkim** predmetima su:

- završen stepen drugog ciklusa studija,
- ostvarena najniža prosječna ocjena u toku studija na prvom ciklusu 8 (osam) ili 3,5 (triipo)
- ostvarena najniža prosječna ocjena u toku studija na drugom ciklusu 8 (osam) ili 3,5 (triipo) i
- najmanje 1 (jedan) javno predstavljeni oblik umjetničkog stvaralaštva iz odgovarajuće oblasti

#### II

Odluka stupa na snagu danom donošenja, a objavit će se na web stranici i oglasnoj ploči Univerziteta.

**PREDSJEDAVAJUĆI SENATA  
UNIVERZITETA „DŽEMAL BIJEDIĆ“ U MOSTARU**

  
Prof. dr. Elvir Zlomušica, rektor



**Dostaviti :**

- Senatu
- Organizacionim jedinicama 8x
- + Voditeljima studija 4x
- Oglasna ploča /Web
- a/a